

SCRIPT OF EVENING GOJRI NEWS BULLETIN 4MAR 2025

1700HRS

اوننگ گوجری نیوز بولینٹن 4مارچ 2025

یوہ آکاشوانی جموں بے عبیدالرحمان تیں نصرت تیں خبر سَنو۔

HEADLINES

۱۔ وزیر اعظم نریندر مودی نے کہیو بے کہ سرکار خود مختار بھارت غا نظریہ ور کام کر رہی بے تے اس ضمن مانہ لوہکی تے درمیانہ درجہ غی صنعت ملک غی مجموعی ترقی مانہ اہم کردار ادا کر رہی ہیں۔

۲۔ اج قانون ساز اسمبلی گا سپیکر نے لیفٹیننٹ گورنر غا خطاب ور تحریک تشکر پیش کیو۔
۳۔ سرکار نے دسیو بے کہ جموں کشمیر غے اندر بکھ بکھ محکمان مانہ ۲۳ ہزار ۴ سو ۴۷ سرکاری خالی سامیاں وچوں صرف ۳ ہزار ۷ سو ۷۲ اسامی اسی اسی بی تے پی ایس سی نانہ ٹوری گئی ہیں۔

۴۔ سرکار نے دسیو بے کہ گزشتہ ۲ براں غے اندر جموں کشمیر مانہ ۴ اشاریہ ۸۴ کروڑ سیاح سیاحت وستے آیا جن مانہ ۱ اشاریہ ۰۲ لکھ غیر ملکی سیاح شامل ہیں۔

۵۔ جموں سرینگر قومی شاہراہ وروں پسی تے پتھر بتان تیں بعد اج سویرے گڈیاں غی وؤ جائی وستے بھال کردتی گئی بے۔

PM WEBINAR

وزیر اعظم نریندر مودی نے کہیو بے کہ سرکار خود مختار بھارت غا نظریہ غے تحت کام کر رہی بے تے اس ضمن مانہ سرکار نے اصلاحات غی رفتار مانہ تیزی آتی بے اس ضمن مانہ بولتا وں جناب مودی نے اس طرح کہیو۔ معشیت غے اندر ایم ایس ایم ای غی اہمیت ور بولتا وں جناب مودی نے کہیو کہ یہ ادارو ملک غی معاشی ترقی مانہ اہم کردار ادا کر رہیو بے جناب مودی بجٹ اجلاس تیں بعد منعقد وینار مانہ بول رہیا تھ ایوہ ویب نار ایم ایس ایم ای غا معشیت مانہ کردار تیں علاوہ بر آمدات جوہری توانائی مشن ضابطہ کاری سرمایہ کاری تے کاروبار مانہ آسانی متعلق مضامین ور تبادلہ خیال خاطر منعقد کرایو گیو کاروبار مانہ آسانی خاطر ملک غے اندر کیا گیا اقدامات گو زکر کرتا مانہ جناب مودی نے کہیو کہ سرکار نے جن وشواس قانون نافذ کیو بے تے وُمدنی ور ٹیکس غا عمل غی تعمیل نانہ مزید آسان بنایو بے۔ انہاں نے مزید کہیو کہ سرکار جن وشواس ۲ اشاریہ صفر بل ور وی کام کر رہی بے۔

DISCUSSION MOTION OF THANKS

اسمبلی مانہ سپیکر عبدالرحیم راتھر نے لیفٹیننٹ گورنر غا خطاب ور تحریک تشکر پیش کی۔ اس تیں بعد مبارک گل نے اس تحریک نانہ باضابطہ طور ور پیش کیو تے غلام احمد میر نے اس غی حمایت کی۔ تحریک ور گل کرتا وں مبارک گل نے کہی وکہ عوام نے اس حکومت نانہ بھر پور حمایت دتی بے۔ انہاں نے جموں کشمیر غی ریاستی حیثیت بحال کرن غو مطالبو وی کیو تے کہیو کہ جموں کشمیر غی ریاستی حیثیت غی بحالی مارو حق بے۔ غلام احمد میر نے اپنا خطاب مانہ انتخابات مانہ عوام غی بڑی تعداد مانہ شرکت ور اُن گو شکریو ادا کیو تے کہیو کہ لوکاں نے جمہوری عمل ور اعتماد غو اظہار کیو بے۔ بھٹ مانہ حصو لیتا وں رکن

اسمبلی شام لعل شرما نے کہیو کہ ہم ناٹہ اپنا ادارا ناٹہ مضبوط بنان ور توجہ دینی چاہیے
تے اس واسطے مل غے کم کرنو پے غو۔ سپیکر غی طرفوں پیش کی گئی تحریک تشکر ور
ڈاکٹر رامیشور سنگھ نے وی اپنا خیالات غو اظہار کیو۔

VACANCIES

جموں کشمیر حکومت نے اج اسمبلی مانہ دسیو کہ مختلف سرکاری محکماں مانہ ۲۳ ہزار ۴
سو ۴۷ آسامیاں خالی ہیں آکاشوانی جموں گا نمائندہ غی رپوٹ غے مطابق ہنڈوارا غا رپکن
اسمبلی سجاد گنی لون غا سوال گو تحریری جواب دتو جس مانہ وزیر اعلیٰ عمر عبداللہ جہیڑا
کہ محکمہ عمومی انتظامیہ گا متعلقہ وزیر وی ہیں نے ایوان ناٹہ دسیو کہ ۱۳ جنوری ۵۲۰۲
توڑی ۲۳ ہزار ۴ سو ۴۷ سرکاری آسامی خالی پئی وی ہے۔ ان مانہ ۲ ہزار ۵ سو ۳ گیزیٹڈ
آسامی ۹۱ ہزار ۲ سو ۴۱ نان گیزیٹڈ تے ۰۱ ہزار ۷ سو ۷۵ ملٹی ٹاسکنگ عملہ غی آسامی
شامل ہیں۔ حکومت غے مطابق ۶۱ اکتوبر ۴۲۰۲ تیں بعد جد عمر عبداللہ غی حکومت بنی تد
تیں ۳ ہزار ۷ سو ۷۲ آسامی جموں کشمیر سروس سلیکشن بورڈ تے عوامی خدمات کمیشن
ناٹہ بھجوانی جا چکی ہیں۔ ان مانہ ۷ سو ۸۳ گیزیٹڈ آسامی جدکہ ۷۱ سو ۴۵ نان گیزیٹڈ تے
۲۱ سو ۵۳ ملٹی ٹاسکنگ عملہ غی آسامی شامل ہیں۔

TOURISM

جموں کشمیر حکومت نے اج اسمبلی مانہ دسیو کہ گزشتہ ۲ براں مانہ کل ۴ اشاریہ ۸۴
کروڑ سیاحاں نے جموں کشمیر غو دورو کیو جن مانہ ۱ اشاریہ ۰۲ لکھ غیر ملکی سیاح
شامل تھا۔ آکاشوانی جموں گا نمائندہ غے مطابق عیدگاہ غا رکن اسمبلی مبارک گل غا سوال
غو تحریری جواب مانہ وزیر اعلیٰ عمر عبداللہ جہیڑا کہ محکمہ سیاحت غا متعلقہ وزیر وی
ہیں نے ایوان ناٹہ دسیو کہ ۳۲۰۲ مانہ ۲ اشاریہ ۲۱ کروڑ تے ۴۲۰۲ مانہ ۲ اشاریہ ۶۳
کروڑ سیاح جموں کشمیر آیا ان مانہ ۳۲۰۲ مانہ ۵۵ ہزار ۷۳۳ غیر ملکی سیاح تے ۴۲۰۲
مانہ ۵۶ ہزار ۴ سو ۲۵ غیر ملکی سیاح شامل تھا۔ جدکہ ۳۲۰۲ مانہ ۲ اشاریہ ۱۱ کروڑ
تے ۴۲۰۲ مانہ ۲ اشاریہ ۵۳ کروڑ مقامی بھارتی سیاح آیا تھا۔ حکومت نے دسیو کہ گزشتہ
۲ مالی سالان مانہ سیاحت ناٹہ فروغ دین واسطے تے دیگر متعلقہ سرگرمیاں ور ۵۳ اشاریہ
۸ کروڑ روپیہ خرچ کیا گیا ہیں۔

HEALTH

جموں کشمیر حکومت نے اج اسمبلی مانہ دسیو ہے کہ جموں کشمیر مانہ ہر ۵۳ ۰۰ افراد
واسطے ایک صحت ادارو موجود ہے جدکہ قومی اوسط ۰۰۰۶ افراد واسطے ایک ادارو
ہے۔ آکاشوانی جموں غا نمائندہ غے مطابق رکن اسمبلی ریاں احمد خان غا سوال گا تحریری
جواب مانہ صحت تے طبی تعلیم غی وزیر سکینہ اتو نے دسیو کہ مرکزی وزارت صحت تے
طبی تعلیم غی ایک رپوٹ غے مطابق جموں کشمیر مانہ صحت بارے سہولیات قومی اوسط
تیں بہتر ہے۔ وزیر نے مزید دسیو کہ سیاحال صحت غا مزید مراکز بنانا یا موجودہ مراکز غی
درجہ بلندی کرن غو کوئی منصوبہ نہیں ہے۔

WALK OUT

پپیل کانفرنس غا صدر تے ہنڈوارا غا رکن اسمبلی سجاد گنی لون نے اج اسمبلی تیں واک آؤٹ
کیو یوہ احتجاج اس واسطے تھو کہ ان غی طرفوں پیش کی گئی ترامیم ناٹہ مسترد کردتو کیو

تھو اُن ترامیم مانہ دفعہ ۰۷۳ پولیس تصدیق تے جموں کشمیر تیں باہر جیلاں مانہ قید لوکاں غی واپسی جیسا مسئلہ شامل تھا۔ آکاشوانی جموں غا نمائندہ غی رپوٹ غے مطابق سوال جواب غا اجلاس تیں بعد سجاد لون نے کھلاں بوغے سپیکر عبدالرحیم راتھر تیں سوال کیو کہ ان ترامیم نانہ نا منظور کیوں کیو گیو۔ سپیکر نے جواب دتو کہ یوہ اسمبلی غا اسولاں تے ضابطاں غے تحت مسترد کیو گیو ہے۔ سجاد لون نے لیفٹیننٹ گورنر غا خطاب مانہ ۷ ترامیم جمع کرانیں تھیں لیکن اُن وچوں صرف ۲ نانہ منظور کیو گیو جس ور اُنہاں نے اسمبلی تیں واک آوٹ کرلیو۔

HIGHWAY

جموں سرینگر قومی شاہراہ نانہ دوبارہ بحال کردتو گیو ہے تانجے پھنسی وی گڈیاں نانہ نکلن غو موقع مل سکے۔ مٹی کھسکن کیچڑ تے پتھر پین غی وجہ تیں رستو بند ہو گیو تھو لیکن اج سویرے ان رُکاوٹاں نانہ بتا دتو گیو ہے۔ قومی شاہراہ ور ٹریفک غا ایس ایس پی روہت بسکوترہ نے تصدیق کیو کہ دلواس مہر شیر بی بی کشتواڑی پتھر غا علاقہ مانہ ملبو بٹان تیں بعد گڈیاں نانہ گزرن غی اجازت دے دتی گئی ہے۔ قومی شاہراہ سوموار غی شام تیں بند تھو کیونجے شدید بارشیاں غی وجہ تیں کئی مقامات ور مٹی کھسکی وی تھی جس تیں جموں کشمیر غے درمیان رابطو بند ہو گیو تھو۔ تاہم انتظامیہ نے بحالی غو کم مکمل کرلیو تانجے مسافراں تے ضروری سامان پجایو جاسکے۔ حکام نے مسافراں نانہ مشورو دتو ہے کہ سفر تیں پہلاں قومی شاہراہ غی تازہ صورتحال معلوم کرلیں۔ ٹریفک غا ایس ایس پی روہت بسکوترہ نے مزید اس طرح کہیو۔

BIKER RALLY POONCH

منشیات غا نقصانات بارے بیداری عام کرن خاطر اج ضلع پونچھ غا ڈپٹی کمشنر وکاس کُندل نے ۵۱ خواتین بانکر غی ریلی نانہ ڈاک بنگلو پونچھ تیں ہری جھندی دس غے روانہ کیو نشہ مکت بھارت نام غی اس ریلی غو مقصد منشیات غا خطرات تیں عوام نانہ آگاہ کرنو تے منشیات مکت سماج تشکیل دینو ہے۔ اس تقریب گو انعقاد ضلع سماجی بہبود محکمہ غی طرفوں کیو گیو تے اس مہیم مانہ شامل خواتین بانکر پورا قصبہ تے ادر گرد غا علاقہاں گے اندر منشیات غا نقصانات بارے بیداری عام کریں گی ڈی سی پونچھ وکاس کُندل نے اس تقریب بارے بولتا واں اس طرح کہیو۔

BG TUNNEL

جموں کشمیر غے اندر عوامی رابطاں نانہ مزید بہتر بنان تے تعمیری ڈھانچہ غی ترقی خاطر ایک برو قدم چاتاں مانہ جموں پونچھ قومی شاہراہ ور بہیم بھر گلی ٹنل گا کام غی شروعات کی گئی ہے بی جی گلی گو یوہ ٹنل کلالی راجوری تیں پونچھ پاتا ٹڑیاں تک ۶۱ اشاریہ ۱ کلو میٹر پروجیکٹ غو حصو ہے تے اس ٹنل نال راجوری تے پونچھ ضلعان بشکار سڑک رابطاں مانہ مزید بہتری آوے غی۔ اس ضمن مانہ ٹنل غی تعمیر کاظر برگڈیئر نیرج مدن تے پروجیکٹ سمپرک غا چیف انجینئر نے افتتاحی دھماکہ نال ٹنل غی تعمیر غی شروعات کی۔ اس ٹنل نال شاہراہ غی لمبائی ۰۱ اشاریہ ۸ کلو میٹر کہٹ ہو جے غی تے اس نال عوام تے فوجی آمدرفت نانہ فائدو حاصل وے غو تے علاقہ غی مجموعی معاشی ترقی مانہ وی اس ٹنل غو اہم کردار رے غو۔

ANNOUNCEMENT

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غا پینل غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وہ ضلع صدر دفتر کٹھوعہ مانہہ یا اس تیں 10 کلو میٹر غادائرہ اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 7 مارچ توڑی دینی ویگی۔ اس بارے مزید جانکاری ویب سائیٹ www.newsonair.gov.in ور دستیاب ہے۔
